



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՖԻՆԱՆՍՆԵՐԻ ՆԱԽԱՐԱՐ

24 հունվարի 2014թ.

թիվ 71-Շ

ՀՐԱՄԱՆ

**<<ՍԻՑԻԼԻԱ ԳԵՅՄՍ>> ՍՊԸ-Ի ՆԿԱՏՄԱՄԲ ՀԱՐԿԱԴՐԱՆՔԻ ՄԻՋՈՑ ԿԻՐԱՌԵԼՈՒ
ՎԵՐԱԲԵՐՅԱԼ ՎԱՐՈՒՅԹԸ ԿԱՐՃԵԼՈՒ ՄԱՍԻՆ**

Հիմք ընդունելով հետևյալ փաստական հանգամանքները.

1. ՀՀ ֆինանսների նախարարության կողմից <<Սիցիլիա Գեյմս>> ՍՊԸ նկատմամբ <<Շահումով խաղերի և խաղատների մասին>> ՀՀ օրենքի (այսուհետ՝ Օրենք) 10-րդ հոդվածի 1-ին մասի պահանջը (Շահումով խաղի կամ խաղատան կազմակերպիչը լիազոր մարմին է ներկայացնում յուրաքանչյուր եռամսյակի համար մինչև տվյալ եռամսյակին հաջորդող ամսվա վերջին օրը համապատասխան տարածքային հարկային մարմնի տեղեկանքը՝ հաշվետու եռամսյակում հարկերի և օրենքով սահմանված այլ պարտադիր վճարների գծով կազմակերպչի պարտավորությունների մասին) խախտելու համար (չի ներկայացրել 2013թ. 2-րդ եռամսյակի տեղեկանքը) ՀՀ Ֆինանսների նախարարի 22.10.2013թ.-ի թիվ 937-Ա հրամանով որպես պատասխանատվության միջոց կիրառվել է տուգանք և դրա եզրափակիչ մասի 3-րդ կետով սահմանվել 15-օրյա ժամկետ Օրենքի 10-րդ հոդվածի 1-ին մասի պահանջի կատարումն ապահովելու համար և նախազգուշացվել, որ դրա չկատարման դեպքում որպես հարկադրանքի միջոց <<Վարչարարության հիմունքների և վարչական վարույթի մասին>> ՀՀ օրենքի 82-րդ հոդվածի համաձայն կկիրառվի երկու հարյուր հազար ՀՀ դրամի չափով տուգանք,
2. ՀՀ Ֆինանսների նախարարի 22.10.2013թ.-ի թիվ 937-Ա հրամանի եզրափակիչ մասի 3-րդ կետով սահմանված 15-օրյա ժամկետում <<Սիցիլիա Գեյմս>> ՍՊԸ կողմից Օրենքի 10-րդ հոդվածի 1-ին մասի պահանջը չի կատարվել, ինչի կապակցությամբ ձեռնարկվող միջոցների մասին ՀՀ ֆինանսների նախարարության աշխատակազմի լիցենզավորման պայմանների և պահանջների հսկողության տեսչության 20.11.2013թ. թիվ 20/17782-13

ՖՆ 000403

գրությունը պատշաճ առաքվել է <<Սիցիլիա Գեյմս>> ՍՊԸ-ին, սակայն վերջինիս կողմից այն չի ստացվել (հիմք՝ <<Հայփոստ>> ՓԲԸ-ի թիվ RR115339800AM, RR115339787AM, RR137205212AM, RR137205209AM, RR115107045AM, RR115107037AM, RR135510982AM, RR135511002AM, ծրարները՝ CN 15 պիտակների վրա <<բացակայում է հանրապետությունից>>, <<անհայտ>>),

3. <<<Շահումով խաղերի և խաղատների մասին>> ՀՀ օրենքում փոփոխություններ և լրացումներ կատարելու և <<Շահումով խաղերի և խաղատների մասին>> ՀՀ օրենքում փոփոխություն և լրացումներ կատարելու մասին>> Հայաստանի Հանրապետության 2010 թվականի ապրիլի 27-ի ՀՕ-54-Ն օրենքը չեղյալ ճանաչելու մասին>> 06.12.2012թ. ՀՀ օրենքի 7-րդ հոդվածը, որի համաձայն՝ <<Սիցիլիա Գեյմս>> ՍՊԸ ընկերությանը ՀՀ ֆինանսների նախարարության կողմից 13.12.2012թ.-ին տրված թիվ ՇԽ-256 լիցենզիան 2014 թվականի հունվարի 1-ից ուժը կորցրել է և <<Սիցիլիա Գեյմս>> ՍՊԸ չի հանդիսանում օրենքով սահմանված կարգով շահումով խաղի կազմակերպման գործունեությամբ զբաղվող լիցենզավորված անձ և Օրենքի 10-րդ հոդվածի 1-ին մասով սահմանված հաշվետվություններ ներկայացնելու պարտականություն այլևս չի կրում, առաջնորդվելով <<Վարչարարության հիմունքների և վարչական վարույթի մասին>> ՀՀ օրենքի 50-րդ հոդվածի 2-րդ մասի <<բ>> կետով (Վարչական մարմնի նախաձեռնությամբ հարուցված վարչական վարույթը կարող է կարճվել, եթե օրենքի կամ իրավական այլ ակտի պահանջների խախտումների կամ դրանց կանխման հետ չկապված հարցով իրավիճակի փոփոխման կամ օրենքով նախատեսված այլ հիմքով վերացել է վարչական ակտի ընդունման անհրաժեշտությունը)՝

Հ Ր Ա Մ Ա Յ ՈՒ Մ Ե Մ

1. Կարճել <<Սիցիլիա Գեյմս>> ՍՊԸ-ի նկատմամբ 20.11.2013թ.-ին հարուցված հարկադրանքի միջոցի կիրառման վարույթը:
2. Սույն հրամանը կարող է բողոքարկվել վարչական կարգով սույն հրամանն ուժի մեջ մտնելու օրվանից վեց ամսվա ընթացքում կամ դատական կարգով՝ օրենքով սահմանված ժամկետներում:

ՆԱԽԱՐԱՐ



ԴԱՎԻԹ ՍԱՐԳՍՅԱՆ